

Lah-jih

, ..a chit-ê miâ-sû, m̄-sī beh hō góa kiò..ê, sī kan-ta beh hō góa chheng-ho, hō góa siàu-liām..ê, in-ūi tī góa kì-tî lāi-té, chiōng-lâi tiòh m̄-bat tng-bīn kiò i 1 siaⁿ " Ī..a", in-ūi Ī..a ūn-khì bái, put-hēng gōeh-lāi-hong sòa lâi kòe-sin, mā chhōa cháu tâⁿ(pian-chip: taⁿ chiah) chhut-sì bô góa-kú ê sió-mōai, pàng-sak góa chit-ê pháiⁿ-miā ê ban-á-kiáⁿ. Hit-nî góa 5 hòe, to iáu-bōe 4 chiok-hòe--leh, thiaⁿ kóng Ī..a mā chiah 40 thóng hòe niâ(pian-chip: nā-tiāⁿ).

Ui-tiòh beh kā Ī..a ê hàn-chháu, bīn-bô khàng-tiàm kì-tî lāi-té, thang hó sī-sî siàu-liām, tiòh khai-sí sì-kè péng toh-kūi-á, hian chhù-lâi ê hō-kháu-miâ-phō, sin-hūn-chèng, A-hiaⁿ thák--kòe ê chheh, sui-jiân bô góa-chē mih thang péng, iû-gôan chhiau kúi nā piàn, lóng chhōe bô Ī..a ê siòng-phìⁿ, mā bô Ī..a ê kè-chng, á-sī hoe-hún hit-lūi ê cha-bó-lâng mi h-kiāⁿ.

Bô siòng thang khòaⁿ, iōng mñg..ê. Mñg A-pa, mñg A-hiaⁿ, mñg A-peh, A-m̄, mñg chhù-piⁿ keh-piah, tit-tiòh ê kiat-lûn sī: seⁿ-chò lò-lò, hàn-chháu bē bái, kha-chhiú liú-liâh, hó chò-hóe, ài pang-chān--lâng....

Sêng chiâ? Che sī góa siōng beh chai-iáⁿ..ê. "Sêng jī-hiaⁿ, lâng lò-lò". "Sêng lín j ī-ché--lah, bīn-á īⁿ-īⁿ". "Kah-ná sêng Lín A-kū, bák-chiu chhim-o chhim-o". "Siōng kài sêng lín kè hái-kháu hit-ê A-î". A-î leh? A-î--leh? "Sí lāu-bú, lō-thâu tñg", hñg tī hái-kháu, iā m̄-bat lâi-khì. Thâu-khak lâi iû-gôan bô hêng-iáⁿ. Kì-tî ê chhng-khò, Ī..a ê hit-keh ūi-tì, iû-gôan sī khang-péh, bāng-tiong ê bó-chhin, sī bōng-bōng chit-phiàn, chí ū lêng-hún töe sin-piⁿ.

, ..a pháiⁿ-miā, sè-hàn tiòh hō A-má phō lâi io, phiau-chún ê sin-pü-á miā, sui-jiân bô-lâng gèk-thāi..i, chóng--sī bô-thang hióng-siū chò lâng cha-bó-kiáⁿ ê chū-iû, lâng kóng "kam-gôan chò sàñ-hiong-lâng ê cha-bó-kiáⁿ", m̄ chò hó-giâh-lâng sin-pü", hō-hóng lán Siau--ka kāng-khóan sī sàñ-phí-phí ê chng-kha-lâng.

, ..a tī-sî kap A-pa kat-pâng sak-chò-tui, góa m̄ chai-iáⁿ. 40 thóng hòe ê jîn-seng, seⁿ 6 ê hāu-seⁿ, 3 ê cha-bó kiáⁿ, phah-sñg 2 ê, chhun ê 5 ê hāu-seⁿ, 2 ê cha-bó-kiáⁿ lóng ū hó ke-kah, kiàn-lip bí-móa ka-têng, sui-jiân m̄ sī tōa-hù tōa-kùi, chóng--sī láu-sít phah-piàⁿ kòe-jit, m̄-bat chò pháiⁿ tāi-chì, sñg sī ū hó ūi-thôan, bô pāi-hâi tiòh pē-bó ê miâ-siaⁿ. Ī..a ê it-seng, sit-chāi bô óng-hùi i lâi sè-kan kiâⁿ chit-chhōa.

, ..a! Lí tī tó-ūi? Kiám bē su-liām Lí ê ban-á-kiáⁿ, i í-keng 60 hòe, jit-jit siūⁿ beh kap Lí siong-hóe, ñg-bāng Ī..a Lí lâi thok-bāng, iâh-sī tán-thâi Lí ê ban-á-kiáⁿ, sè-kan chek-jîm ôan-móa, chiah lâi sio-chhōe.